

Ciet Vwnzva Fungsug Ndawbiengz Gailungzbanh:

Aen Hozdung Hoenghhwd Swnjcienz Yisuz Vwnzva Ciuhlaux

开展非遗传习活动的龙邦街民俗文化艺术节

□ Ginghdiuh Yungzcangh ingj Sinhyungz hoiz



▲ Lungz foux gvaq gwnz gai, hoh daihgya ndangcangq.



▲ Diemj dawz bauqva daeuz, hawj bouxcoz bae ciengj.



▲ Canghfwen comz doiq fwen, sing haprwenz miz yinx.



▲ Buek guh cij ndaej hingz, caemhcaez ingi mbaw sienpa.



▲ Vunzlaux nyienh guhdaeuz, daiq vunzraeuz banh ciet.



▲ Vunzlaux miz cingsaenz, caenhrenz daeuj banh ciet.



▲ Saulengj bau aen domq, daeg-mbauq comz daeuj ciengj.

Moix bi liggaeuq ndwenngux cibsam, Cingsih Yen Lungzbanh Cin Gailungzbanh cungj hoengh banh ciet yisuz vwnzva conzdungj fungsug ndawbiengz; ngoenzneix caemh dwg Gailungzbanh ngoenz-ciet caeqbaiq geiqniemh Gvanh Yij boux ciengginh gyaenz guk mizmingz sez Sanhgoz neix baenz cax gyaep sez rex cingq ndeu. Ngoenzciet, vunzlai dangdieg caeqcuengq "saenz Gvan", niemhngex gij goenglauz hungmbwk de, cienzyiengz gij vwnzva conzdungj maenhndei minzcu. Ngoenz neix, dangdieg caemh guh gij doxdax dwkdomq, doiq fwen, ciengj bauqva doenghgij hozdung diyyuz conzdungj ndaw-biengz neix, baenz geij fanh vunzlai dangdieg, gij yienh henzgyawj caeuz vunz henzguk Yeznanz comz daengz Gailungzbanh, angqyangz gvaq ciet, youq hozdung ndawde swnjcienz gij yisuz vwnzva fungsug ndawbiengz.

Ngoenzciet, cawz guh doxdax dwkdomq, doiq fwen, ciengj bauqva sam daih hozdung conzdungj neix le, lij miz diuq fouxvenz Myauzcuz, bengcag, dwklwgyangq, dwkcik, bin faexsax, nyingz naq doenghgij doxdax mizyinx neix dem, vanzlij miz vwnzyidui dangdieg yienj gij hei q gag bien gag yienj haenx dem, hozdung lai cungj lai yiengh, hawj vunzlai humx dwk yawj comz dwk dingq, ciengzmienh nauhyied hoenghhwd. Mwnz dingq, gij fwen

Ya' gyaz riuz youq henzguk Cungh Yez song guk neix, coenz fwen raeuzrad dawzbak, okbak baenz hot, hothot dawzyinh, miz cingz miz ei q, sengdoengh yinx vunz; mwnz yawj, gizdieg dwkdomq, mbauqsau faenbied ndwn youq boux mbiengj, mwnz bau gou cieq, aendomq hwnjroengz baedauq, gij cingzndiep caemh riengz aendomq doek haeuj fwngz mbauqsau con haeuj sim mbauqsau; caiq yawj ciengz ciengj bauqva, betcib baenz bak boux daegmbauq mwnz ciengj gou dued dwk buekciengj mbouj dingz, vunzlai humx dwk caengz dem caengz ndaetndi bekwngz hemq gyayouz, yinx gij vunz diegwng caemh caenx daeuj yawj, sing riu sing hemq goksad gyukgyad, gwnz naj gyongqvunz cungj lumj va hai nei hoengzmaeq ronghlwenq, daengx diuzgai caenh caemx youq ndaw angqyangz vuenyungz.

Doenghbi neix daeuj, Lungz-banhang Cin dangjvej cwngfuj baengh gij ndeicawq youq dieg henzguk caeuz vwnzva naekna de, haenq-rengz cimhra, swnjcienz caeuz cienzyiengz gij vwnzva conzdungj maenhndei ndawbiengz, caemhcaiq aeundaej cingzci yienhda. Bi 2012, aen cin neix dawz dwkdomq, fwen Ya' gyaz caeuz ciengj bauqva sam hangh neix cigciep bauqau swcigih, gukgya gaep feihvuzciz vwnzva yizcanj baujhoh hangh-moeg.



▲ Daegmbauq ciengj bauqva, dahsau yawj byawz maenh.



▲ Ngoenzciet sim' angq lai, yienjheiq caiq diuq foux.



▲ Yienj fungsug ndawbiengz, hawj cienz daih dem daih.